



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-11-4-2519-8
Sarajevo, 04.12.2020. godine

Na osnovu člana 21. stav (3) tačka c) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16, 26/19, 31/19 i 39/20) i čl. 14. 69. i 70. Zakona o javnim nabavkama BiH („Službeni glasnik Bosne i Hercegovine”, broj 39/14) - u daljem tekstu: ZJN i preporuke Komisije za javne nabavke Ministarstva unutrašnjih poslova Kantona Sarajevo za 2020. godinu, imenovane Rješenjem broj 05-1-11-4-1158 od 28.02.2020. godine i broj 05-1-11-4-1158-4 od 07.09.2020. godine u postupku javne nabavke higijensko-potrošnog materijala, **d o n o s i**

ODLUKU
o poništenju postupka javne nabavke higijensko-potrošnog materijala

I

Na osnovu Odluke broj 01-11-4-2519 od 14.05.2020. godine i Obavještenja o nabavci broj 1364-1-1-43-3-40/20 od 10.06.2020. godine i Ispravke obavještenja 1364-1-1-43-8-48/20 od 04.08.2020. godine, proveden je otvoreni postupak uz primjenu e-aukcije s namjerom zaključivanja okvirnog sporazuma na 24 mjeseca u postupku nabavke higijensko-potrošnog materijala.

Komisija je shodno Zakonu o javnim nabavkama BiH, primjenjujući član 69. stav 2 tačka (d), ZJN („Službeni glasnik Bosne i Hercegovine”, broj 39/14), dala preporuku da se donese Odluka o poništenju javne nabavke higijensko-potrošnog materijala uz primjenu e-aukcije s namjerom zaključivanja okvirnog sporazuma na 24 mjeseca .

II

Obavezuje se Komisija da u skladu sa Zakonom o javnim nabavkama BiH pokrene novi postupak javne nabavke higijensko-potrošnog materijala za potrebe Ministarstva unutrašnjih poslova Kantona Sarajevo.

III

Ova odluka stupa na snagu danom donošenja.



O b r a z l o Ź e n j e

Na osnovu Odluke o nabavci broj 01-11-4-2519 od 14.05.2020. godine, Komisija za javne nabavke je izvršila ponovni pregled i ocjenu pristiglih ponuda u otvorenom postupku javne nabavke uz primjenu e-aukcije s namjerom zaključivanja okvirnog sporazuma na 24 mjeseca za nabavku higijensko-potrošnog materijala za potrebe Ministarstva unutrašnjih poslova Kantona Sarajevo. Komisija je utvrdila da je u postupku nabavke, od strane ponuđača, postavljeno sedam pitanja na koje je odgovoreno u predviđenom roku.

Tendersku dokumentaciju preuzelo je 18 ponuđača, a Ispravke/izmjene tenderske dokumentacije I – 6 ponuđača, II – 7 ponuđača, III – 5 ponuđača, IV – 5 ponuđača, a V – 7 ponuđača, prispjele su dvije ponude, i to:

R.B.	Datum prijema	Vrijeme prijema	Ponuđač
1	17.08.2020.	08:00	„Lala i Laćo“ d.o.o. Bijeljina
2	17.08.2020.	09:42	„R&S“ d.o.o. Sarajevo

Iz navedene tabele je vidljivo da su prispjele ponude blagovremene jer je prema Obavještenju o nabavci krajnji rok za dostavu ponuda bio 17.08.2020. godine do 10:00 sati.

Dostavljene ponude imaju sljedeće vrijednosti:

PONUĐAČ	Iznos ponude (KM)
„Lala i Laćo“ d.o.o. Bijeljina	181.790,00
„R&S“ d.o.o. Sarajevo	100.587,96

Komisija je pristupila ponovnoj provjeri kvalifikacije ponuđača u skladu sa minimalnim zahtjevanim kvalifikacionim uslovima koje ponuđač treba da ispunjava.

Ovom fazom evaluacije provjerava se ispunjenost zahtjeva koji su preduslov za pristupanje ocjeni ponuda, a koji se odnose na:

Opis	KONZORCIJ		
	„LALA I LAĆO“ d.o.o. BIJE LJINA (LIDER)	„INCEL“ D.O.O. BANJA LUKA	„R&S“ D.O.O. SARAJEVO
Izjava o ispunjavanju uslova iz čl. 45.	da	da	da
Izvod iz sudskog registra (čl. 46.)	da	da	da
Izjava o ispunjavanju uslova iz čl. 47.	da	ne	da
Po članu 47. Izvještaj o svim računima koje ima ponuđač	da	ne	da
Po članu 47. Potvrda banke da glavni račun nije blokiran	da	ne	da
Po članu 49. Spisak izvršenih ugovora	da	da	da
Po članu 49. Potvrda o uspješno izvršenim ugovorima	ne	ne	ne
Po članu 49. Tehnički list proizvođača za artikle iz Obrasca za cijenu ponude	da	/	da
Po članu 49. Uzorci	da	/	da



web: <http://mup.ks.gov.ba>
 e-mail: ministar@mup.ks.gov.ba
 Tel: + 387 (0)33 286-701, 286-702,
 Fax: + 387 (0)33 226-445
 Sarajevo, La Benevolencije 16



Garancija za ozbiljnost ponude	da	ne	da
Izjava o dostavi garancije za uredno izvršenje ugovora	da	ne	da
Izjava o ispunjavanju uslova iz čl. 52.	da	da	da
Nacrt Okvirnog sporazuma	da	/	da
Obrazac povjerljivih informacija	da	ne	da
Izjava o prihvatanju opštih i posebnih uslova TD	da	ne	da

Komisija je izvršila kontrolu dostavljene dokumentacije, način uvezivanja ponuda, primjenu propisane forme dostavljenih dokumenata, validnost ponude, njen potpis i ovjera, računsku kontrolu te je izvršen pregled i provjera drugih dokumenata kao i dostavljenih uzoraka i konstatovano je sljedeće:

- ponuda ponuđača „R&S“ d.o.o. Sarajevo nije formalno-pravno ispravna iz sljedećih razloga:
 - u dostavljenim dokumentima, Potvrda za dobro izvršenje ugovora i Spisak izvršenih ugovora, pojavljuju se dva različita privredna subjekta za jedan ugovor – EUFOR i HQ EUFOR.
- ponuda ponuđača „Lala i Laćo“ d.o.o. Bijeljina nije formalno- pravno ispravna iz sljedećih razloga:
 - Potvrda za dobro izvršenje ugovora ne sadrži mjesto izvršenja ugovora što je protivno članu 48. stav (3) Zakona o javnim nabavkama BiH i
 - u dostavljenim dokumentima, Potvrda za dobro izvršenje ugovora i Spisak izvršenih ugovora, pojavljuju su dva različita privredna subjekta za jedan ugovor - ZIC Banja Vrućica Teslić i ZTC Banja Vrućica Teslić.

S obzirom da niti jedna ponuda nije formalno-pravno ispravna nisu se stekli uslovi za okončanje postupka.

Shodno utvrđenom činjeničnom stanju i kriteriju za dodjelu ugovora „najniža cijena“, a u skladu sa članom 69. stav (2) tačka d) i 70. Zakona o javnim nabavkama BiH („Sl. glasnik BiH“ broj 39/14), Komisija je uvažavajući Rješenje Ureda za razmatranje žalbi BiH, broj: JN2-03-07-1-2563-10/20 od 26.11.2020. godine jednoglasno daje preporuku ministru MUP-a KS da donese odluku o poništenju postupka javne nabavke za nabavku higijensko potrošnog materijala za potrebe Ministarstva unutrašnjih poslova Kantona Sarajevo, te raspisivanju ponovnog postupka.

Cijeneći naprijed navedeno riješeno je kao u dispozitivu.

POUKA O PRAVNOM LIJEKU:

Protiv ove odluke dopuštena je žalba koja se podnosi Ugovornom organu u roku od 10 (deset) dana od dana prijema Obavijesti, a u skladu sa čl. 99. i 101. Zakona o javnim nabavkama BiH.



DOSTAVITI:

1. Ponuđačima,
2. Upravi podrške,
3. Komisiji,
4. Kabinetu ministra - stručni savjetnik za odnose s javnošću i
5. a/a.



web: <http://mup.ks.gov.ba>
 e-mail: ministar@mup.ks.gov.ba
 Tel: + 387 (0)33 286-701, 286-702,
 Fax: + 387 (0)33 226-445
 Sarajevo, La Benevolencije 16

